

Biiki ön Arichsem 2008, Carl-Rasmus Petersen

Lef Arichsemer en Gasten fan nai en fiir!

Ik maat juu altermaal bi di Arichsemer Biiki bigrööt, om me üüs Biikibronen en Pidersdai tö fiiren. Me Biikibronen en Pidersdai begrööt wü di Uurs ön di 20. en di 21. Febriwaari. Hat es en ual Brükdom üp üüs Ailön, eder di Sölring Chronist C. P. Hansen. Hat es al düüsent Jaar ual en hair en haidensk Bigen.

Dit Uurt „Biiki“ kumt fan „Baaken“ en jit „Jölteken“. Di jest Jölteken ljucht üp Söl al fuar di Christianisierung en wiar öntaacht tö di Germanen-Got Wotan.

Maaner en Wüfhaur daanset trinjom di Flam.

Sent 17.st en 18.st Jaarhönert wair hat di Ofskerfiir fuar fuul fan üüs Faarensmaaner, danen tö Walfesk- en Robfang hen tö Grönlön en ön't Is-Miar köör. Dit wair fuar di Sölring Lir di gurtst Fortiinst. Maning kiirt fan sa'n önstrengt Faart ek töbeek. En di 22.st Febriwaari forsaamelt jam jen, üp di Ting-Hoog om Ting tö lees en Strir rocht tö snaki. Di Walfesk wiar ön jen Jaarhönert mal ringer an hat jaav binai gaar nönt muar, man dit Biikibronen bliiv.

Ön't Jaar 1909 wair fan Muasem Klef üt 28 Biiken teelt.

Tö di Tir om 1930 forsjukt di Mensken, wat tö di Tir dit Siin hair, Biikibronen en Pidersdai tö foraneri, man di Sölring Lir maaket dit ek me. Man hair dit gau weder feelen leten.

Ön't Jaar 1946 broan di Biiken lechter en hooger üs di Jaaren fuarof.

Wan ik deling fuar dit Jöl stuun, en juu fan di Bigen fan Biikibronen en Pidersdai forteel, teenk ik aaft ön min Jungenstir töbeek. Wü Skuljungen, Faamener en Dreenger, tain me fuul Spaas me Gummiwain luas, om Tannenbosker tö Saameln. Hat jaav ja ek sa fuul diarfan. Om arkenjen Tuurnbosk kempi wü. Di gurt Dreenger fan di enkelt Terper fuarsjuk al fuar di 21. Febriwaari töögensirig öntötjen.

Achterön wair alis weder auriiten. Wü wair en forswiaren Gimiinskep.

Man wü sen stolt en bliir, aurdats jung Familjen me fuul Jungen ön di leest Jaaren jaar Uuning ön Arichsem fünen haa. Sa ken wü höpi, dat danen üüs Brükdom bihöli.

Deling uur bi di Jöl üp Sölring en üp Dütsk ön di Jertir taacht.